

In plaz da podest per la Surselva

La fin dall'jamna vargada ha giu liug a Maloja ina concorrenza da cuorsa liunga el rom dil Cup nordic Raiffeisen dil Grischun. En concorrenza ein era entgin(a)s Sursilvanas e Sursilvans stai. Las meglieras prestaziuns ein reussidas a *Laurin Elvedi* dil Club da skis Castrisch (4. rang ella categoria buobs sut 8 onns), *Andrina Bisquolm* dil Club da skis Trun (4. rang ella categoria buobas sut 10 onns), *Elia Bisquolm* dil Club da skis Trun (7. rang ella categoria buobs sut 14 onns) ed *Otavia Vonplon* dil Club da skis Castrisch (7. rang ella categoria buobas sut 14 onns). Ella categoria dils mattatschs sut 16 onns ei *Tylan Michel* dil Club da skis Trin daventaus excellent tierz. *Luca Deplazes* dil Club da skis Trun ei daventaus siatavel en quella categoria e *Heikki Piali* dil Club da skis Trin dieschavel. *Jon-Fadri Nufer* dil Club da skis Sedrun-Tujetsch ei daventaus bien sisavel ella categoria dils juniors sut 20 onns. Las proximas concorrenzas dil Cup nordic Raiffeisen han liug miez schaner a Lai. Leu vegnan ils dis da «Giuventetgna e Sport» arranschai cun ina cuorsa singula ed ina concorrenza da staffetta sco era il Planoirino. Sil program ei leu era la cuorsa dil Planoiras aschilunsch che las cundiziuns da neiv lubeschan ei. (fmr/hh)